

漢名臣傳

十五下

內閣文庫			
三八函	二二〇	三五	漢書
架	冊	號	類

內閣文庫			
二九〇函	二		
架	冊		
番號	漢	230c	
冊數	160 (126)		
函號	290	43	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



非

言覽奏欣悅爾之定心報効調度有方朕皆
悉知但能始終如一永久不懈為佳四年入

月復署廣西巡撫丁嫡母憂

諭曰韓良輔人品端方操守廉潔廣西提督

事務關係緊要又署理巡撫印務正資料理

伊母才概既在廣西著在任守制五年二月

授廣西巡撫二月疏言廣西泗城土府同知

無職掌請改為恩府理苗同知專管泗城

西隆西林等處苗民又太平府新改上龍下

漢名臣傳卷十五
龍二土司所屬鎮南大關係安南貢道且水路通內地最緊要應設流官請將太平府通判移駐並管憑祥州等處經理鎮南大關水陸隘口部議如所請六月疏言廣西撫提鎮三標歲需兵糧七萬六千四百餘石供支原無不敷但各屬額征糧數有無多寡懸殊因致撥運供支不無遠近難易之別以糧石計之桂林潯州慶遠賓州支給外尚屬有餘柳州平樂梧州南寧太平思恩額征各不足鬱

林無征全賴撥運以運道計之桂林居廣西最近地由桂林西南小河順流而下會右江以達柳州由桂林東南大河順流而下爲平樂梧州由梧州轉江湖流而上爲潯州由右江湖流而下爲柳州慶遠由左江湖流而上爲南寧又有南寧分道溯流而左爲太平右爲思恩所有思恩太平二府分防貼防各營汛距府城數百里水道相通處灘高河小舟載無多是糧爲桂潯兩府獨多而桂林尤多

晚運惟太平思恩最遠最難計兩府共不敷
糧萬一百八十餘石責之潯州運給固屬偏
枯桂林分運亦未免重累若如從前遞轉法
以南寧糧撥支太平思恩以太平思恩糧盡
撥支潯州層層轉運一或愆期兵丁嗷嗷待
哺且運費煩多有司力不能支非科派里民
卽挪移正項查各項支放兵糧本色折色不
同今廣西本色兵糧桂林最多應于桂林府
屬半征折色三萬六千二百餘石內再半征

折色給太平思恩兩府並不通舟楫之鬱林
營南寧府屬之上思營及鎮標貼防之上思
州賓州屬之三里營慶遠府屬之荔波汎一
變通間遠運之累悉除於州縣營伍均有益
又疏陳三事一羅城陽朔全州三州縣丁銀
按糧額派輸以均賦役一裁柳州府同知改
設慶遠府同知一革退思吉州安土舍兵田
查給土兵歸三里營守備轄并移佐貳一員
管理土民俱下部議行先是良輔奉

命同原任廣西巡撫工部侍郎李紱赴貴州
安籠鎮與雲南總督鄂爾泰會商黔越分界
事至是合詞疏奏紅水江在黔越交界粵在
江南黔在江北惟泗城西隆兩處苗獞之地
多跨江而北與黔畛域相連村寨相間苗性
獷悍輕生匪賊必報黔員既難統轄粵員亦
難遏制遂致讐殺劫掠不休今議紅水江以
南屬廣西北屬貴州卽有爭奪事隸一省易
于完結應將西隆州所屬江北之羅煩州亨

等甲泗城府所屬江北之長垣羅斛等甲俱
隸貴州于長垣設州治增知州一學正一吏
目一經理化導東北羅斛等甲土苗兇頑應
設州判一冊亨地方設州同一分理龍渣巴
結等甲又設城守遊擊一守備一千總一把
總二兵五百以遊擊千總兵二百五十名防
守州治以守備兵一百五十名防守州同所
治以把總兵一百名防守州判所治歸安籠
鎮總轄再安順一府原轄三州五縣南籠一

漢名目傳卷十五
屬地方已濶今再轄新設州勢難兼顧請將
南籠廳改府治增設知府一經歷一仍南
籠通判佐理將附近之普安州安南普安二
縣併新設之州俱歸南籠府轄普安州之捧
鮮有養馬等迤邐三十餘里爲三江咽喉苗
獠要隘上江白雲壘險峻異常惟一徑扳援
而上法岩寨山高十五里路險岩危至染寨
烟戶百餘家田多民富苗獠據險負嵎應於
捧鮮設一營白雲壘之上撥弁兵扼險法岩

至染二處設大汛防守不惟黔苗可控制亦
粵獠不敢起釁查黃草埧從無焚掠大案應
卽駐防黃草埧之安籠鎮標右營遊擊一千
總一把總一兵三百移駐捧鮮將原駐捧鮮
之把總移駐黃草埧黃草埧居民稠密漢多
苗少距州寫遠應于普安州增設州判一分
駐管理又疏言土苗爭訟案件向由外結邊
徼苗夷率多兇悍報警佔地搶殺爭訟無休
府州縣官以提審爲具文該管上司以隱匿

漢名用傳 卷十五
為故智未有定限又無考成績案日多終難
清理雖名為外結其寔結者十無二三請凡
土苗夷裸命盜搶掠拐畧爭訟無論案大小
俱以獲犯日為始照內地限期審結違者照
例議處土官匿犯者革職兇犯逃脫照內地
承緝例處分苗裸罪應論死者各部治罪不
准外結則流土各官皆知謹惕不敢徇縱疏
入均得
旨允行八月良輔自安籠鎮回廣西巡撫任

十一月以任廣西提督時奉議州土人羅文
剛糾眾抗拒建汎良輔不能早除兇惡以靖
地方革職七年卒弟良卿由武進士授侍衛
康熙五十八年授陝西西寧鎮中營守備六
十年遷蘭州城守遊擊雍正元年遷駐浪營
叅將時青海羅卜藏丹津叛莊浪賊番助逆
良卿隨涼州總兵楊盡信等擊賊于碁子山
有功

賜孔雀翎並銀千兩四年遷寧夏中衛副將

乾隆二年二月擢廣西碣石提兵尋調陝西
肅州總兵五年九月授甘肅提督十一月卒
賜祭葬諡勤毅良輔子勳官至貴州提督自
有傳

李維鈞列傳

李維鈞浙江嘉興人康熙三十五年由貢生
選授江西都昌縣知縣尋丁母憂服闋補四
川榮昌縣知縣四十六年遷山東莒州知州
四十九年內遷刑部員外郎五十年授江南

道監察御史五十三年遷直隸守道雍正元
年正月擢直隸巡撫七月疏言順天保定河
間永平宣化五府地多旂圈丁銀鬻為民累
請自雍正二年始攤入通省地糧內按地輸
丁八月疏言宣化所產高糧味澁性燥人皆
不食祇作燒酒計每歲所鬻不下六七十萬
金自禁燒酒鍋以來多以高糧養牲畜殊屬
可惜請弛其禁部議均如所請二年正月疏
言前宣化鎮出師兵所給十月行糧兩月口

漢名目傳卷十五
三
糧經部議免扣還古北密雲官兵同時出師
所給銀請一體免扣從之三月疏奏現行地
方事宜一虧空丁銀均攤十分之四逐漸完
補一減火耗每兩二三分舒民力一起解兵
餉例有知府規禮今裁令州縣自行解司一
各官署鋪墊向派里甲今悉除一清查地畝
毋致隱佔一行保甲以杜奸匪一嚴飭武弁
除募兵虛冒之弊一親檢三營甲幟勤操演
一修烟臺建營房增設兵五名嚴防汎一遍

飭村莊築牆掘壕兼選壯丁習練防盜賊一
驛路兩傍種柳恤行旅奏入

諭曰天下督撫皆當如此留心擴而充之何
虞吏治不肅民生不遂耶村莊溝壑實係有
益之事但須預爲陳說利害使愚民灼知有
益踴躍樂從秋成之後方可行之斷不宜急
遽強迫民壯頭目殊難其人須擇平素爲眾
所推服者方可委之董率尤須飭地方官不
時稽察勿致生事至種樹卽古人列樹表道

漢名目傳卷十五
之意朕現刊諭一道尙未頒發爾奏恰合隨
即通行直隸各省矣六月疏言永定河堤柳
岔口至王家園一帶淤干餘丈請速濬又郭
家務工堤係沙土帮築不能防急溜請嚴飭
專管及分修各員培固又言正定府轄三十
二州縣寔有鞭長不及之虞請設直隸州分
轄將南宮新河棗強武邑衡水五縣分隸冀
州相鄉隆平高邑臨城寧晉五縣分隸趙州
武強饒陽安平三縣分隸深州無極藁城二

縣分隸晉州曲陽新樂二縣分隸定州直隸
知州照知府例稽查屬縣錢糧案件其府州
錢糧令直隸守道不時委員盤查均下部議
行十月

特改直隸巡撫爲總督卽以維鈞陞授十一
月
命加兵部尙書銜提鎮俱聽節制會有密奏
維鈞厚餽撫遠大將軍年羹堯禮物又覓二
女子相贈者

特諭誠之十二月疏請改張家口副將標藤牌兵三百名爲烏鎗手大刀三百名爲弓箭手從之三年二月疏言京衛歲考取入武童共百名燕山等六衛地丁編屬順天保定河間正定四府衛學武童亦應分歸四府請於大宛二縣各取進二十名歸順天府武學其餘六十名於保定河間二府各取進二十名惟正定府又分設直隸州應於正定府取八名趙州冀州各三名定州晉州深州各二名

俱撥入本府州學庶人材相埒竊數均平三月疏言直隸向未設藩臬二司故邇永天津霸昌大名口北五道俱掛山東山西河南等布按二司銜今直隸守巡二道既改爲布按二司其五道俱應改直隸布按二司銜均從之五月奏報各屬晴雨並稱現在遵漢儒董仲舒春秋繁露祈雨法虔誠祈禱諭曰似此皆可不必凡地方水旱沴不虛生或政事缺失或封疆大吏治理紕繆與小民

習尚澆漓所致消弭之道當應以實不以文
惟返躬修省克已改過然後齋肅顯懇則天
人交感之際潛孚默契如響應聲但庸愚視
爲杳渺無憑且朕卽位以來凡有所禱從未
令僧道設壇作法朕嚴恭寅畏敬天之心無
時敢懈至於鬼神之道体物不遺宜敬而遠
之固不可輕忽亦不可溺信而涉於詭瀆茲
亟應省察吏治檢黜刑名其有關於國政者
奏聞於朕我君臣期共懋勉以恭迓天庥可

也惟鈞又奏直隸地方每有蝗蝻土人虔禱

劉猛將軍廟輒不爲災

諭曰弭災惟當恐懼修省交相儆戒人事既
盡自然感召天和災祲可消豐稔可致至桑
林之禱所以提于影響也若專恃祈禱而置
恐懼修省于不事是澹流而舍其源執末而
遺其本矣尋復

諭曰觀尔一切章奏文情口氣甚與年羹堯
相仿總因尔等字跡往返熟習之故朕每諭

毋務虛詐爾竟不能領畧徒爲浮泛套語朕
深不取維鈞奏言向與年羹堯通問歲不過
一二次近已與絕得

旨據奏與年羹堯通問歲不過一二次是何
言歟西安總督官屬內未有隔五日不見直
隸李維鈞之介使眾目昭彰何可強辯似此
巧言粉飾以狡獪爲得計以隱蔽爲深謀恐
一旦發覺罪無可逭尔其思之維鈞尋疏劾
羹堯言羹堯上年進京回陝過保定曾有太

原軍印我已交不出去之語再原任湖南巡
撫王之樞在陝修城効力其原籍定州田房
自應變解充公乃早爲羹堯所得匿不咨查
原任江西學政徐昂發在軍前効力呈明原
任江西巡撫王企靖曾得伊銀三萬顯係贓
銀羹堯並不題奏私咨臣查追又聞羹堯誅
西寧無故喇嘛五千獲輜重數十萬入已六
月間臣姪李宗渭由西安至保定臣詢知羹
堯僭妄驕侈奸詐貪罔十款一出署淨街百

姓填道一屬員稟叅稱引見送禮稱恭進一
同知途見巡捕官長跪回話一採買貯穀每
石較市價短發二三錢一委用運同嚴士俊
將插刃改小內搵和沙土一造報平定青海
功冊輒將並未身至西寧之人竄入一差典
史朱尙文販賣四川木植獲利一家人魏之
耀嚴二乘轎進京州縣道傍打恭遊擊守備
跪道一嚴士俊冒認嚴二爲父肆行無忌一
羹堯赴浙輻重出閔不計其數起身後尙有

千餘馱一切車騾不許商僱七月

詔各省將軍督撫提鎮公議年羹堯罪維鈞
覆言羹堯不忠不法請立正典刑時羹堯疏
辯維鈞所劾皆不實部議維鈞素與羹堯交
結往來雖陽爲叅劾實陰圖開脫詐僞顯然
請速訊會奉

旨查抄年羹堯保定所置家資維鈞匿不詳
奏

諭曰朕本欲開一面之網保全尔之生命無

如爾自執迷亦未如之何矣又

諭曰李維鈞居心險譎陽順陰違如保定府城內現有年羹堯私置家產藏蓄財物伊並不叅奏迨朕降旨令查尙具摺故作猶豫之狀希圖延挨俾得隱匿著馬賽蔡珽同往保定詳察奸欺黨惡實情卽將李維鈞拿問入

月

詔革職來京尋

命賠修天津倉廩俟工竣日刑部按律治罪

四年三月

上以維鈞任總督時將議准改隸河南之濟滑內黃三縣漕糧擅請仍在直隸元縣之小灘鎮受兌挾私阻撓

敕令明白回奏欺詐失寔又侵欠直隸庫帑數十萬未完

命浙江巡撫李衛查抄維鈞家貲十一月衛劾維鈞及其子蔓狡獪多端私將家財各處埋隱寄頓現查出三十餘萬請革李蔓廢生

研審究追再蔓生母張氏並非維鈞聘娶繼室乃家奴張大婦維鈞先佔爲妾假稱繼妻且會與魏之耀認爲乾親濫膺

誥命並請

敕部追奪

諭曰李衛清查李維鈞家產不徇情面一一查出可嘉但叅奏李維鈞婢妾一節未免過刻不合大体前蔡珽會奏稱於北直旅次壁間見一對聯乃譏訕李維鈞家奴之事朕破

時切責戒其勿言朕以忠厚之道教天下此事並不必議覆若云請追誥命李維鈞旣已獲罪革職自有定例何必特行叅奏餘著該部議覆嗣部臣以維鈞現在天津遵

旨俟工竣一併議罪五年三月工竣部議李維鈞身受

國恩不思潔已報効曠私累累又將直隸庫項侵蝕令子李蔓埋藏寄頓貪狡已極且與年羹堯朋比私暱情詞詭譎又挾私借改兌

小灘為名阻撓

國事照律擬斬監候妻子入內務府為奴維

鈞尋病歿乾隆元年

恩釋其妻子還原籍

勵廷儀列傳子宗萬附

勵廷儀直隸定海人父杜訥刑部右侍郎贈

禮部尚書有傳廷儀由康熙三十九年進士

改庶吉士四十年丁母憂四十一年

特命在南書房行走四十三年授編修尋丁

憂服闋充

日講起居注官四十五年遷右中允累遷侍

講學士五十六年擢內閣學士六十一年二

月充

經筵講官十一月充翰林院掌院學士尋遷

兵部右侍郎仍兼掌院學士雍正元年正月

恭修

聖祖仁皇帝實錄充副總裁二月擢刑部尚

書八月疏言各省常平倉米穀雖有知府司

道盤查管理不能保無徇隱當責督撫覈實存倉及現捐穀數共貯若干支用若干委幹員不時盤查年終造冊保題督撫離任將冊籍交新任詳覈虧空題本新任徇隱察出議處分賠部議從之是月奉

旨刑部事繁難以兼理掌院禮部事簡著張廷玉兼理掌院使勵廷儀得專心料理本部事務十月疏言古北口外命案向由本處武職詳解刑部派司員往驗路經三四百里或

五六百里往返需日傷痕已變審擬難確請於口外適中處設理事同知一員遇民命案驗明取供分別詳解題結盜案亦如之其詞訟細事聽該員自理稱職請照捕盜同知例卽陞

詔下部議設滿洲理事同知一駐熱河隸霸昌道轄二年二月奏請團練民壯每州縣選五十名分習鎗箭尤壯者選為頭役于州縣俸工內酌給工食勤加訓練得

漢名目傳卷十五
旨此奏甚好著該部嚴諭直省督撫實心奉
行三年十二月疏言監禁宜分內外內監以
居重要人犯外監以居現竊輕犯並案內聽
審人其女監另墻隔別庶防範嚴肅亦不致
串供部議從之五年三月充會試正考官五
月以保題到部甫及三月之筆帖式麻色爲
主事部議降一級六月以保送到部甫及月
餘之郎中邵希節赴
盛京辦事部議降二級均奉

旨從寬畱任七月廷儀與侍郎高其佩赫壽
審擬菩薩保罪名錯誤奉

旨草職畱任八月三法司議覆河南通許縣
民吳三保勒死曹柱兒一案巡撫田文鏡原
擬斬決其佩安改監候廷儀等並不詳核隨
眾畫題部議廷儀應降三級調用已草職應
草任得

旨免革任俟三年無過開復前案之日降三
級畱任十月

特命復職六年八月疏陳考職積弊四條一
監生遇考職時每倩人代考請照科場例先
期驗照查明年貌履歷捐納年分事例于卷
面註明臨期編號分坐使不能代作傳遞一
考職例由地方官具文書本生領文或借與
他人頂名冒考請取具同鄉京官印結外再
取具同鄉同考監生連名互結扶同治罪一
監生身故斥革例應繳照竟有隱匿未繳者
考職時報名混考請飭地方官查追送部一

監生內有先經考職未得揀選復頂名重考
者請並責同鄉印結官及互結監生首告知
情不舉者治罪十一月疏陳禁止私鹽四條
一窩私販之家宜究一無引私鹽之禁宜嚴
一獲鹽不獲人概行免追之例宜明一有司
拿獲不報及減多報少之罪宜重十二月疏
陳清查入官家產四條一承辦官毋許于料
估變價時任意核減希冀分肥並索平頭解
費一田畝房產該管官毋許自賃租器物不

得乘機抽換一本犯家屬毋許常年據佔不
卽退出與該管官通同影射令親友出官代
買一田產既經估報卽非無項著追可比應
勒限速售銀兩依限完解諸疏俱下部議行
七年十月加太子少傅

賜矜慎平恕額八年三月疏言各部院欽奉
諭旨及題奏奉

旨並咨結事件應行文各衙門直省者值日
司員一人專司其事錯悞遲延卽將該員叅

處若竟遺漏行文或遲至經月該司滿漢各
員均難辭咎自應一例叅處因向無定例彼
此推卸或祇歸咎一人情理殊未允協嗣後
如應行事件漫不經心以致遺漏遲延滿漢
官一併叅處部議如所請九年三月疏言向
例鐵貨不許私出外境而廢鉄不在禁例近
聞射利之徒專收廢鉄鎔化運至近邊近海
地方請嚴禁如販賣硝磺例從之九月遷吏
部尙書仍專管刑部事務十年五月以病乞

休

上慰晉之閏五月卒遺疏入得

旨勵廷儀侍直內廷蒙

皇考聖祖仁皇帝知遇之恩教養有素伊父

尚書勵杜訥老成端謹學問優長朕幼年在

宮中讀書時資其講論至今念之不忘朕御

極之初勵廷儀為

皇考多年教育之人擢用司寇數年以來勤

慎小心安詳歷練克稱厥職是以特賜宮銜

晉秩冢宰以示恩眷秋官重寄正資料理今

聞溘逝深為傷悼已命大臣往奠茶酒其更

下所司議恤尋

賜祭葬如例謚文恭子宗萬康熙六十年進

士改庶吉士散館授編修雍正二年

命在南書房行走五年七月充

日講起居注官十一月提督山西學政六年

三月疏言學臣舉黜優劣任滿始行造報不

無瞻徇顧忌之弊請嗣後每考一棚即分別

獎戒各生名數造冊達部不惟贍顧可杜且使優生知部冊有名益加勉勵劣生知部冊可畏均思改悔於士習有益八月疏言河南原設運學係蒲解二州及臨晉榮河萬泉河津安邑夏縣平陸芮城垣曲聞喜十縣額設鹽丁子弟考試嗣因修理鹽池堤堰募十二州縣民夫帮修其子弟亦遂冒考商籍童生亦有冒入民籍者往往以一童冒兩籍考試數次甚或本籍已取入將冒考之名賣與他人

頂充應試請徹抵查禁使商民不得互冒均下部議行是年遷國子監司業七年三月宗萬按試潞安有臨晉縣民承進朝詐稱御前辦事總管私書請託宗萬疏聞

諭曰凡私書請託者皆屬夤緣僥倖之徒若內外官員咸肯據實叅奏則鑽營之弊可息宗萬此奏甚屬可嘉著交部議敘九月遷翰林院侍讀奏言州縣為親民之官職守甚重

若擅離職守赴省叅謁于公事難免遲悞請
勅各督撫藩臬嚴禁屬官私謁以免曠悞得
旨此奏可嘉朕另降諭旨飭行十一月
命管理巡察山西事務八年九月疏言額設
民壯必技藝嫻熟臣查關四十餘處州縣官
係旗員民壯尙有可觀其餘生疎不堪蓋以
州縣不習武事之故請令該州縣會同在城
武職定期操演務期精熟部議從之是月巡
撫石麟疏劾宗萬騷擾驛遞得

旨革職仍留巡察之任九年石麟復劾其縱
僕索銀及短發物價等款

命草任十年閏五月

特授鴻臚寺少卿在

南書房行走十一年九月遷光祿寺少卿十

二年八月遷鴻臚寺卿十月擢內閣學士兼

禮部侍郎十三年正月充

皇清文穎館副總裁九月遷禮部右侍郎尋

調刑部左侍郎十二月

命兼管禮部侍郎乾隆元年四月疏言每科
進士除選庶吉士外分派各部以額外主事
學習行走三年期滿以部屬知縣分別錄用
查各部主事共四十八缺每科分布不下四
五十人若期滿不卽題補固無以爲勤敏者
勸然不分優劣概以主事題授不但冒濫名
器且候補候選應陞行取各項人員無缺可
補若將不諳部務之員概以知縣選用則民
社重寄又非庸材所可濫膺請嗣後學習期

滿人員令該堂官出具考語分爲二等帶領
引

見一等補用主事二等卽用知縣三等補用
國子監助教監丞及司經局正字等缺又前
因禮部事簡停止分派額外主事請仍照舊
例與五部一体簽派部議從之五月以知貢
舉失察火夫脫逃降二級畱任六月奉
旨勵宗萬不必兼管禮部侍郎事十月吏部
疏劾宗萬于奉

旨保舉河員時受候選州同錢良楫請託徇私濫舉得

旨草職尋

命在御書處辦事四年

命在武英殿行走七年五月補侍講學士六

月九

武英殿總裁十月遷右通政八年正月擢通

政使十一月

命在懋勤殿行走九年二月遷都察院左副

都御史五月疏言直隸居民無山澤之利家

鮮蓋藏一遇災荒生資立匱往往就食隣省

各地方官自宜一體撫綏使之得所近來資

送流民之例原以保全流離但果有業可歸

自能回籍若徒資遣是途中暫有餽口之資

而歸鄉仍無謀生之路請

敕奉天山東山西河南等處大吏務飭各府

州縣官凡流民入境除有親知可依及手藝

傭工力能起食者聽自便外其實因災出毫

莫名臣傳卷十五

七

無生計之人務設法安頓或棲寺廟或設席
棚勸諭殷實之家隨力周給不足則益以常
平倉穀畧仿宋臣富弼知青州安集流民之
法選誠練紳士分境散給不得假手胥吏數
月後喘息少舒設地方或有曠土可耕工程
可作隨宜處置務令遂生倘故鄉已廢豐年
流民情願復業則給以路引聽其自歸毋庸
押送至與工代賑原救荒善策直屬應修城
工三十餘處中有甌城土城不同甌料難于

猝辦不若興修土城貧民得以擔挑販築備
工食力更爲有益查雍正五年直隸被水與
舉營田水利准大學士朱軾所請暫開營田
事例前年淮揚被水亦暫行好善樂施之例
今直隸疊被旱災與往事情形相類而江南
捐限屆滿請俟江南停捐後改于直隸收捐
助賑

詔下大學士九卿科道議行七月疏言我
朝制科取士立法嚴明近年積久玩生士不

務學多以夾帶獲中竟有纓識之無已登高
第者卽素稱能文之士亦相率效尤不但整
衡潛實而苟且僥倖之私中于人心者爲患
甚大查科場原設兵役搜檢但定例每場點
名先官卷次旗卷監試官碍于情面兵役等
畏其聲勢黠過卽放棄不一搜後黠民卷
于獨嚴遂至一例從寬虛應故事請
敕禮部順天府步軍統領及臣院五城等衙
門先期出示申明禁諭凡士子無論滿漢官

生民籍悉遵科場條例不得夾帶片紙干罪
點名時請

特派近信大臣官員監同察查官卷旗卷一
體嚴搜拘縱卽將監試官指叅仍約束兵役
不得凌辱才難得

旨著照所請行十二月遷工部右侍郎十年
調刑部右侍郎十一年以縱容其弟門客沈
文傑招搖生事部議革職予杖徒

諭曰勵宗萬從前在山西巡察任內居官不

漢臣傳卷十五
謹已經廢棄蒙

皇考天恩棄瑕錄用至於大員乾隆元年朕復加簡擢因徇私濫舉經部議革職間居數年朕仍念其爲大臣之後復加恩用至於今職冀其改悔前愆勉効力今覽大學士等覆訊沈文傑行賄作弊一案內稱勵宗萬未受賍私朕細閱此案情節現在實未得對而知勵宗萬平日之爲人將來事後酬謝伊斷無不收受之禮朕此諭旨令勵宗萬捫心自

問不切中其隱微乎但朕思伊之所以敢于踰越規矩不守官箴者固勵宗萬之罪而其間亦尚有故蓋因朕前歲纂修秘殿珠林一書張照梁詩正荐勵宗萬等在懋勤殿行走編輯朕或名見講論書籍勵宗萬遂恃此虛張聲勢縱放自恣朕不曾早加戒飭以致罹于罪愆著革職從寬免其杖徒令回籍閉戶讀書十三年直隸總督那蘇圖疏劾勵宗萬弟原任郎中宗奕霸買官地未經交價遣僕

強收糧石宗萬知情故縱下部議罪應杖徒

奉
旨寬免

命承修固安縣城工十五年以查辦廢員

諭調取來京酌量錄用十六年授待講學士

十七年以考試不到降二級調用十八年補

鴻臚寺少卿尋遷太常寺少卿二十年以征

收

先農壇空地草價含糊具題降一級畱任二

十二年以

天壇遞香失儀降二級畱任二十四年六月

遷光祿寺卿九月卒

屠沂列傳

屠沂湖北孝感縣人康熙三年進士授直隸

蔚縣知縣四十三年晉陝西隴州知州四十

四年擢吏科給事中四十七年充江南鄉試

正考官四十八年晉奉天府府尹四十九年

遷順天府府尹五十七年遷左副都御史五

十九年五月兩江總督常璉奏穎州知州王

承勳訐告安徽布政使年希堯需索規禮並

鳳陽府知府蔣國正冒蠲侵蝕等款

上遣浙同左都御史田從典往勘鞫得國正

索承勳規禮又以應賠所屬虧空銀三千七

百餘兩混入

恩免民欠錢糧擬斬希堯失察草職部議如

所奏六月

命同副都御史楊柱查延慶州等處地震並

蔚州被災等處七月疏報已查賑延慶保安

懷來沙城等處災戶續往查蔚州廣昌渾源

又宣化龍門被災亦重請一體散賑

詔如所請八月充順天鄉試正考官十一月

擢浙江巡撫六十年閏六月兼理海關並分

辦銅斤十二月疏稱浙江素少蓋藏康熙五

十三年兩次截留漕米二十萬石備積貯已

于五十五六兩年貯十二萬二千餘石今秋

被旱成災之仁和錢塘等二十八州縣二所

已題請蠲賑其續報於潛等十一縣衛所災
黎俱引領望賑但二次截留米止存七萬七
千九百餘石動賑後請於本年漕米內再留
二十萬石分貯杭州府十五萬金華衢州二
府各二萬嚴州府一萬以裕積儲奉

旨允行先是總督滿保巡撫朱軾題准海寧
老漁倉海塘東自浦兒兜西至姚家堰建石
塘六十一年二月沂疏稱海寧縣海塘田灘
頭衝激將上下勘定寔土處所縱橫寔砌石

塘其土鬆處格石難施者趕築草塘五百四
十丈今春潮洶湧急宜搶築隨接築草塘三
百丈仍于寔土處接築石塘連前共五百丈
並將姚家堰西續埝處亦築草塘二百十五
丈次第完工部議准報銷其草塘令承辦官
保固三年又疏稱中小壑沙地北岸衝決甚
險經前撫題明挑濬以分水勢今塘腳現漲
沙塗塘身穩固無庸再濬部議如所請六月
以病乞回籍從之雍正三年卒

王燕列傳

王燕直隸宛平人禮部尚書從簡子以父蔭累任戶部兵部員外郎郎中康熙三十四年授鎮江府知府三十一年特授江蘇按察使三十三年晉湖北布政使三十七年擢貴州巡撫疏請增設貴州附學之清浪衛教授一附學之開州廣順州未設學之永寧獨山麻哈諸州學正各一附學之普安餘慶安化三縣未設學之普定平越都

勻鎮遠銅仁龍泉永從七縣訓導各一照小學例取文武生員八名下部議行三十九年疏言黔省荒田尚有十分之四徧勸開墾舉報寥寥查田畝俱在萬山中土性瘠薄秋成籽粒難抵內地膏腴三分之一開墾倍費工本六年成熟起科辦賦餘僅敷播種工本無償是以懈于開墾請除輕則田不議外其重者分別核減或減三分之一或減半征收嗣後開墾俱准照減則例征賦則民苗踴躍從



事下部議行四十五年疏稱文武官弁近因
兇苗劫掠俱照野賊苗畜擾害地方例議處
該地俱熟苗納糧當差與生苗潛入劫掠者
不同若因其為盜將該管各員卽降革職任
接緝者以非任內事不寔力緝拿不肖員弁
慮于降革互相隱諱嗣後除野苗為盜照例
議處外其熟苗為盜地方官照漢民為盜例
議處下九卿科道等議從之四十一年疏言
驛站夫馬例州縣兼理獨安順驛馬在府站

夫在縣鎮遠驛馬在縣站夫在府兩岐不便
且與兼管例不符請將夫馬統歸普定鎮遠
二縣管理得

旨允行四十二年以原官致仕四十七年卒
賜祭葬如例

鮑虎列傳

鮑虎山西應州人順治二年由行伍從大軍
定江南進取江西有功洊授南贛鎮標前營
遊擊五年正月廣東提督李成棟叛據南雄

九月糾洞蛮土寇十餘萬分路出信豐安南
犯贛州南贛巡撫劉武元總兵吳有陞督將
士出迎戰虎由小東門城薄營奮勇直入諸
將繼之大敗賊眾斬首萬餘級成棟單騎逃
竄捷
聞得
旨嘉獎十月賊犯上猶虎以兵往援距城七
十里抵土橋遇賊萬餘擊之潰追二十餘里
擒偽提督劉飛忝將姚元藻等斬獲甚眾

詔下所司彙敘擢忝將

特賜蟒服十二年署山西渾源城守副將十
三年遷江南狼山營副將康熙元年調浙江
嚴州城守副將十三年八月逆藩耿精忠黨
寇浙江温州黃岩平陽三鎮皆叛壽昌等縣
相繼陷精忠潛以逆劄誘降虎不從擊賊奔
險隘一日六戰皆捷遂復壽昌九月偵賊萬
餘糾土寇黃應茂犯遂安虎率子輔仁志仁
依仁希仁及効用守備熊仲雲等陣斬偽副

將葉姓叅將王帥古等殺賊千一百七十餘
康親王傑書以

聞

詔獎其功下部議敘並以舉首逆劄加都督
同知尋擢黃岩總兵十二月偽總兵王飛石
等犯淳安虎遊擊之于圍屏鎮斬賊二千餘
生於飛石及偽副將江明等四人又招降偽
副將江城敘功加右都督十五年六月海賊
大艦逼海門虎提師進勦以勞賜成疾師旋

卒十官

諭曰鮑虎効力行間著有勞績其子作何錄
用該部議奏尋議錄其子輔仁為叅將
允之輔仁歷官廣東春江協副將

魏國熹列傳

魏國熹雲南昆明人由行伍援補永北鎮右
營把總康熙五十五年遷本標左營千總五
十九年從定西將軍噶爾弼定西藏師還遷
本標中營守備雍正二年二月敘功加署都

督僉事四月會魁山徠賊方景明陳阿巴等肆劫總督高其倬遣官勦捕景明投順阿巴走土曼復糾黨擾茶山翥國以兵三百追至聖董阿巴據險拒翥國麾眾斬百餘級復追至查先塞擒阿巴斬之其倬以

聞

上嘉翥國奮勇下部議敘七月遷尋營遊擊三年調督標後營遊擊四月遷武定營將先是法曼伙目祿天佑擅殺東川營兵捕

未獲詐言已死其妻沙氏管理夷事與天佑各居一寨縱土目肆掠東川及武定祿勸誨甸等處又因烏蒙改流暗造軍器謀叛翥國擒其黨沙世鳳祿三斤等訊得狀告總督鄂爾泰雍正五年十二月鄂爾泰檄翥國率守備王先協同東川營叅將楊國華分路進勦有聞曰老烏老賊眾守隘翥國親督兵上下奮擊破之直搗天佑所居多顆落沙氏所居花椒園覆其巢賊眾潰沙氏墮崖死於天佑

東川平

諭部議敘是年西藏第巴阿尔布巴等以私憾戕貝子康濟龍擾西藏命左都御史查郎阿副都統邁祿往討翥國選兵甲由中甸進駐察木多候調遣六年事平回泚七年八月擢貴州銅仁協副將十一月調雲南督標中軍副將八年七月擢臨安鎮總兵九月烏蒙降猓祿鼎坤子萬祿聚眾叛掠東川翥國往勦鼎坤弟鼎明時在軍營


伺間刺翥國傷左膝翥國立斬鼎明束創亟擊連破賊眾十一月以創重卒部議給半葬如例

特旨給全葬

賜祭一次十年三月

上遣念翥國及福州將軍蔡良福建提督張起雲貴州總兵賴大有皆素有賢聲而勤勞王事以歿

命直省各建賢良祠祀之



天保三

